



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«01» փետրվար 2019թ

ք. Երևան

ՈՐՈՇՈՒՄ ԹԻՎ 307/2

ՀԱՐԿ ՎՃԱՐՈՂԻ ԱՐԳԵԼԱՆՔԻ ԵՆԹԱԿԱ ԱՅԼ ԳՈՒՅՔԻ ՎՐԱ ԱՐԳԵԼԱՆՔ ԴՆԵԼՈՒ
ՄԱՍԻՆ

ՀՀ ՊԵԿ ԻՎ ՀԳ բաժնի գլխավոր մասնագետներ Վ. Հարությունյանս և Ս. Պետրոսյանս
/ՀՀ ՊԵԿ սփորարաժանման անվանումը, պաշտոնը, անուն, ազգանունը/

Համաձայն ՀՀ պետական եկամուտների կոմիտեի նախագահի 25.12.2018թ. թիվ ԱՀ307 հանձնարարագրի և ուսումնասիրելով թիվ 458-77 Ա վարչական վարույթի և հարկ վճարողի վերաբերյալ նյութերը

ՊԱՐԶԵՑԻՆՔ

<<ՁԵՎԱՎՈՐՈՒՄ>> ՓԲԸ-ի (ՀՎՀՀ՝ 01807916, հասցե՝ ք.Երևան, Լենինգրադյան 16., պետ. գրանցման համար՝ 290.140.00477) 26.11.2018 թվականին հարուցված վարչական վարույթի շրջանակներում գանձման ենթակա չկատարված պարտավորությունը կազմում է 853.768 դրամ, որից ապառք՝ 849945 դրամ, տույժ՝ 3823 դրամ, տուգանք՝ 0 դրամ: ՀՀ ՊԵԿ իրավաբանական վարչության պետի կողմից 18.12.2018թ-ին կայացվել է թիվ 458-77 Ա որոշումը 853.768 դրամ գանձելու վերաբերյալ: Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին: 27.12.2018թ.-ի թիվ 307 որոշմամբ արգելանք է կիրառվել <<ՁԵՎԱՎՈՐՈՒՄ>> ՓԲԸ-ի բանկային հաշիվներում առկա դրամական միջոցների վրա 872.254 դրամի չափով: Համաձայն ՀՀ առևտրային բանկերից ստացված տվյալների 27.12.2018թ.-ի թիվ 307 որոշման շրջանակներում ապահովված գումարը կազմում է 57.830 դրամ, իսկ 01.02.2019թ. թիվ 307/1 որոշմամբ արգելանք է կիրառվել <<ՁԵՎԱՎՈՐՈՒՄ>> ՓԲԸ-ի դրամարկղում առկա կանխիկ դրամական միջոցների վրա 814.424 դրամի չափով:

ՀՀ Հարկային օրենսգրքի 431-րդ հոդվածի 2-րդ մասի 1-ին և 2-րդ կետերի <<ՁԵՎԱՎՈՐՈՒՄ>> ՓԲԸ-ի բանկային հաշիվներում դրամական միջոցների անբավարարության և դրամարկղում դրամական միջոցների բացակայության հետևանքով անհրաժեշտ է ղեկավարվել ՀՀ Հարկային օրենսգրքի 431-րդ հոդվածի 2-րդ մասի 3-րդ կետով և արգելանք կիրառել արգելանքի ենթակա այլ գույքի վրա:

Վերոգրյալի հիման վրա, ղեկավարվելով ՀՀ Հարկային օրենսգրքի 429-րդ 430-րդ և 431-րդ հոդվածներով՝

ՈՐՈՇԵՑԻՆՔ

Արգելանք դնել հարկ վճարող <<ՁԵՎԱՎՈՐՈՒՄ>> ՓԲԸ-ի (ՀՎՀՀ՝ 01807916) պատկանող արգելադրման ենթակա այլ գույքի վրա 814.424 դրամի չափով:

Նրան արգելել արգելադրված գույքը օգտագործել և /կամ/ տնօրինել և /կամ/ տիրապետել: Որոշման պատճենը ոչ ուշ քան այն ընդունելու հաջորդ օրը, պատշաճ ձևով ուղարկել <<ՁԵՎԱՎՈՐՈՒՄ>> ՓԲԸ-ին, ՀՀ ԱԳԿ կոմիտեին, ՀՀ ոստիկանության ճանապարհային ոստիկանություն ծառայությանը:

Արգելանք դնելու մասին որոշումը պարտադիր է բոլոր պետական մարմինների, տեղական ինքնակառավարման մարմինների պաշտոնատար անձանց, կազմակերպությունների ու ֆիզիկական անձանց համար և ենթակա է կատարման Հայաստանի Հանրապետության ամբողջ տարածքում:

Սույն որոշումը կարող է բողոքարկվել հարկային մարմին կամ ՀՀ վարչական դատարան: Որոշման արտադատական կարգով բողոքարկումը, համաձայն ՀՀ Հարկային օրենսգրքի 432-րդ հոդվածի 5-րդ մասի, չի կասեցնում որոշման կատարումը:

Վ. Հարությունյան

/Արգելանք դնող պաշտոնատար անունը, ազգանունը/

Ս. Պետրոսյան

/Արգելանք դնող պաշտոնատար անունը, ազգանունը/

/ստորագրությունը/

/ստորագրությունը/

Սույն որոշումը ստանալու պահից Դուք նախազգուշացված եք արգելադրված գույքը կամ դրա առանձին բաղադրամասերը վատնելու, օտարելու, թաքցնելու կամ ապօրինաբար մեկ ուրիշին հանձնելու դեպքում վարչական կամ քրեական պատասխանատվության ենթարկվելու մասին:

Ստացա որոշման օրինակը _____